

四庫全書

集部

# 欽定四庫全書

集部

御選歷代詩餘卷二十

詳校官中書<sub>臣</sub>潘有為

侍讀<sub>臣</sub>孫球覆勘

總校官進士<sub>臣</sub>朱 鈐

校對官編修<sub>臣</sub> 盧 遂

謄錄監生<sub>臣</sub> 朱續曾

欽定四庫全書

御選歷代詩餘卷二十目錄

起四十九字  
至五十字

柳梢青 又一體

秦觀

周邦彥

趙師俠 八首

趙長卿 五首

張掄

曾覲 四首

楊无咎 十首

辛棄疾 二首

張孝祥

趙汝愚

曹冠

袁去華 二首

陸游

劉鎮

戴復古

郭應祥

韓澆

三首

盧炳

三首

吳文英

二首

蔣捷

二首

周密

五首

張炎

羅椅

黃蘭

張林

姚勉

葛長庚

二首

朱淑真

二首

王學文

柯九思

張雨

朱灝

張綖

二首

陳子龍

釋涵初

前調

又一體

呂渭老

蔡伸 三首

謝逸

葛郯 二首

趙師俠 二首

張元幹

朱敦儒

楊无咎 四首

侯真 二首



張孝祥

趙彥端

高觀國

柯九思  
二首

吳正志  
二首

前調  
又一體

吳正志  
二首

惜分飛  
又一體

晁補之

賀鑄

毛滂

三首

袁去華

二首

沈端節

汪元量

吳鼎芳

李伊玉

荷葉杯

又一體

韋莊

許棐

滴滴金

李遵勗

趙彥端

前調

又一體

晏殊

前調又一體

楊无咎

御選歷代詩餘卷二十目錄

欽定四庫全書

御選歷代詩餘卷二十

起四十九字至五十字

司經局洗馬學局事兼翰林院修撰加二級臣王奕清奉

旨校刊

柳梢青

又一體一名早春怨一名雲淡秋空雙調四十九字有以起句不用韻別爲早春怨者通首實無異也

柳梢青

秦觀

岸草平沙吳王故苑柳裊煙斜雨後寒輕風前香細春  
在梨花行人一棹天涯酒醒處殘陽亂鴉門外秋千  
牆頭紅粉深院誰家

前調

周邦彥

有箇人人海棠標韻飛燕輕盈酒暈潮紅羞蛾凝綠一  
笑生春爲伊無限傷心更說甚巫山楚雲斗帳香銷  
紗牕月冷著意溫存

前調

立春

趙師俠

節物推移青陽景變玉琯灰飛綵仗泥牛星毬雪柳爭  
報春回 絲金縷玉幡兒更斜裊東風應時宜入新春  
人隨春好春與人宜

前調

茶蘼屏

趙師俠

紅紫彫零化工特地翦玉裁瓊碧萼叢芳檀心點素香  
雪團英 柔風喚起娉婷似無力斜敲翠屏細細吹香  
盈盈浥露花裏傾城

前調

和趙顯祖

趙師俠

漠漠輕陰養花天氣乍晴還明曲逕風微蜂迷紅片蝶  
趁遊人 平蕪極目青青漫悵望誰招斷魂柳外愁聞  
鶯雛喚友鳩婦呼晴

前調

黃阮林送  
李粹伯

趙師俠

料峭餘寒元宵欲徧燈火闌珊宿酒難醒新愁未解搖  
兀吟鞍 林深百舌關關更雨洗桃紅未乾野燒痕青  
荒陂水滿春事何堪

前調

邵武熙春  
臺席上

趙師俠



矯首遐觀崇臺徙倚心目俱寬一水縈藍羣峰聳翠天  
接高寒平生江北江南總未識闌中好山雨暗前汀  
雲生衣袂身倦躋攀

前調

富陽江亭

趙師俠

煙斂雲收夕陽斜照暮色遲留天接波光水涵山影都  
在扁舟虛名白盡人頭問來往何時是休潮落潮生  
吳山越嶺依舊臨流

前調

和張伯壽  
紫笑詞

趙師俠

濃碧搏枝柔黃襯紫獨殿春風  
菡萏輕盈甘瓜馥郁葉萼相重  
人生一笑難同更餘韻都藏笑  
中日助清芬酒添風味須共從容

前調

鑑止月  
下賞蓮

趙師俠

水滿芳塘菰蒲深處戲浴鴛鴦  
燦錦舒霞紅幢綠蓋時遞幽香  
天弓遙挂孤光映煙樹雲間渺  
茫散髮披襟都忘身世真在仙鄉

前調

遇何卽石  
兄早梅

趙長卿

雲暗天低楓林彫翠寒鴈聲悲茅店兒前竹籬笆後初  
見橫枝 盈盈粉面香肌記月榭當年見伊有恨難傳  
無腸可斷立馬多時

前調

東園醉  
作梅詞

趙長卿

千林落葉聲聲淒慘江皋鴈飛難似玉肌總驚花貌壓  
倒芳菲 香心吐盡因伊料調鼎工夫易期休唱陽關  
莫歌白雪雨淚沾衣

前調

趙長卿

瀟灑仙源天桃穠李曾對華筵歌媚驚塵舞彎低月滿  
勸金船鑑湖煙水連天正歸棹紅妝鬪妍花霧香中  
人間居士切莫多傳

前調

趙長卿

晴雪樓臺試燈簾幕適是元宵羅綺嬌春帝城風景今  
夜應饒爭知我繫如匏便踟月良天任教早閉柴門  
從他簫鼓細打輕敲

前調

趙長卿

桃杏舒紅遲遲暖日媚景芳濃紫燕穿簾香泥著地未  
乳巢空 千山萬水重重煙雨裏王維畫中芳草斜陽  
無人江渡蓑笠漁翁

前調

侍宴

張掄

柳色初勻輕寒似水纖雨如塵一陣春風縠紋微皺碧  
沼鱗鱗 仙娥花月精神奏鳳管鸞絲鬪新萬歲聲中  
九霞杯裏長醉芳春

前調

侍宴禁中和  
張知閣韻

曾覲

梅粉輕勻和風布暖芳徑無塵鳳閣凌虛龍池澄碧芳  
意鱗鱗清時酒聖花神對內苑風光又新一部仙韶  
九重鸞仗天上長春

前調

臨安春  
會汎湖

曾覲

花柳爭春湖山競秀恰近清明綺席從容蘭舟搖曳穩  
汎波平君恩許宴簪纓密座促仍多故情一部清音  
兩行紅粉醉入嚴城

前調

詠海  
棠

曾覲

雨過風微溫泉浴倦妃子妝遲翠袖牽雲朱脣得酒臉  
暈胭脂 年年海燕新歸怎奈向黃昏恁時倚徧瓊闌  
燒殘銀燭花又爭知

前調

曾覲

小宴清秋霎時見了雨散雲收柳絮輕柔梅花閒澹宮  
院風流 空教夢遶青樓待說箇相思又休無奈情何  
不來眼底常在心頭

前調

楊无咎

傲雪凌霜平欺寒力攬借春光步遶西湖興餘東閣可  
奈詩腸娟娟月轉迴廊悄無處安排暗香一夜相思  
幾枝疎影落在寒牕

前調

楊无咎

江月軒中拍堤新漲遶院薰風深注瑤觴低歌金縷聲  
在晴空新詞儘索無窮斷酤酤衰顏爲紅願得年年  
繁枝子滿綠葉陰濃

前調

壽詞

楊无咎



灼灼紅榴垂垂綠柳庭戶清和羅綺香中十分春酒幾  
疊高歌 遐齡欲問如何記平日陰功數多千載今朝  
笑看池面龜戲青荷

前調

楊无咎

暴雨生涼做成好夢飛到伊行幾葉芭蕉數竿修竹人  
在南牕 傍人笑我恹惶算除是鐵心石腸一自別來  
百般宜處都入思量

前調

楊无咎

目斷南枝幾回吟  
遶長怨開遲雨  
泥風欺雪侵霜妒  
却恨離披  
欲調商鼎如期  
可奈向騷人  
自悲賴有毫端  
幻成水彩長似芳時

前調

楊无咎

雪豔煙輕又要春色  
來到芳尊  
却憶年時月移清影  
人立黃昏  
一番幽思  
誰論但永夜空迷  
夢魂遶徧江南  
繚牆深院水郭山村

前調

楊无咎

月墮霜飛隔牕疎瘦微見橫枝不道寒香解隨羌笛吹  
到屏帷 箇中風味誰知睡乍起烏雲任敲嚼蕊接英  
淺顰輕笑酒半醒時

前調

楊无咎

日轉牆東幾枝寒影一點香風清不成眠醉憑詩興起  
遶珍叢 平生只箇情鍾漸老矣無愁可供最是難忘  
倚樓人在橫笛聲中

前調

楊无咎

水曲溪傍寒梢冷蕊隱映修篁細細吹香疎疎沉影惱  
亂迴腸 爲伊駐馬橫塘漫立盡煙村夕陽空裊吟鞭  
幾多詩句不入思量

前調

楊无咎

瑞鴨煙濃曉來絃管聲在霜空却退寒威借回春色滿  
苑香風 幾時人下瑤宮記千載今朝慶逢滿捧瓊觴  
芝蘭叢裏錦繡光中

前調

范先之席  
上賦壯丹

辛棄疾

姚魏名流年年攬斷雨恨風愁解釋春光剩須破費酒  
令詩籌 玉肌紅粉溫柔更添盡天香未休今夜簪花  
他年第一玉殿東頭

前調

三山歸途代  
白鷗見嘲

辛棄疾

白鳥相迎相憐相笑滿面塵埃華髮蒼顏去時曾勸須  
早歸來 而今豈是高懷爲千里萼萸計哉好把移文  
從今日日讀取千回

前調

張孝祥

草底蛩吟煙橫水際月澹松陰荷動香濃竹深涼早銷  
盡煩襟 髮稀渾不勝簪更客裏吳霜暗侵富貴功名  
本來無意何況如今

前調

題豐樂樓

趙汝愚

水月光中煙霞影裏湧出樓臺空外笙簫人間笑語身  
在蓬萊 天香暗逐風回正十里荷花盡開買箇輕舟  
山南遊遍山北歸來

前調

遊湖

曹冠

湖岸千峰嵌巖隱映綠竹青松古寺東西樓臺上下煙  
霧冥濛 波光萬頃溶溶人面與荷花共紅撥棹歸歟  
一天明月十里香風

前調

長橋

袁去華

天接滄浪晴虹垂飲千步修梁萬頃玻瓈洞庭之外純  
浸斜陽 西風勸我持觴況高棟層軒自涼飲罷不知  
此身歸處獨詠蒼茫

前調

釣臺

袁去華

一水縈回參天古木夾岸蒼崖三十三年客星堂上幾  
度曾來 眼看變化雲雷分白首煙波放懷細細平章  
釣臺畢竟高似雲臺

前調

蜀燕宮

陸游

錦里繁華環宮故邸疊萼奇花俊客妖姬爭飛金勒齊  
駐香車 何須幕障幃幃遮寶杯浸紅雲瑞霞銀燭光中  
清歌聲裏休恨天涯

前調

七夕

劉鎮



乾鵲收聲濕螢度影庭院秋香步月移陰梳雲約翠人在迴廊  
醺醺宿酒殘妝待付與溫柔醉鄉却扇藏嬌牽衣索笑今夜差涼

前調

戴復古

袖飀飛吟洞庭青草秋水深深萬頃波光岳陽樓上一  
快披襟不須攜酒登臨問有酒何人共斟變盡人間  
君山一點自古如今

前調

惜花

郭應祥

春事匆匆花慵柳困雨橫風狂寄語詩人須燒銀燭與  
照紅妝 休言桃李河陽但過眼難尋色香只有今宵  
更無明日且緩持觴

前調

元宵

韓 澮

雨洗元宵樓臺煙鎖隱隱笙簫且插梅花自燒銀燭沉  
水香飄 軟紅塵裏星橋想霽色皇都絳霄屏掩瀟湘  
醉和衣倒春夢迢迢

前調

韓 澮

玉水明沙峰回路轉城倚橋斜老我登臨同誰酩酊一  
望還賒飛鴻杳靄天涯但撝取心情酒家紫菊枝枝  
紅茱顆顆休問年華

前調

韓 滉

雲淡秋空一江流水煙雨濛濛岸轉溪迴野平山遠幾  
點征鴻行人獨倚孤篷算此景如圖畫中莫問功名  
且尋詩酒一棹西風

前調

盧 炳

蘭蕙心情海棠韻度楊柳腰肢步穩金蓮手纖春筍膚  
似凝脂 歌聲舞態都宜操著箇堅心共伊無奈相思  
帶圍寬盡說與教知

前調

蠟梅

盧炳

雅淡精神鉛黃未洗猶帶殘妝春豔一枝鶯兒顏色深  
就纖裳 月移影轉南窗特地兒送些暗香宿酒初醒  
這般滋味夢斷池塘

前調

冬月  
海棠

盧炳

笑菊欺梅嫌蜂却蝶歷盡寒芳月下精神醉時風韻紅  
透香腮 天工造化難猜甚怪我愁眉未開故遣名花  
凌霜帶露先送春來

前調

題四時  
圖畫亭

吳文英

翠嶂圍屏留連迅景花外油亭淡色煙昏濃光清曉一  
幅閒情 輞川落日魚罾寫不盡人間四并亭上秋聲  
鶯能春語難入丹青

前調

吳文英

夢斷游輪孤山路杳越樹陰新流水凝酥征衫沾淚都  
是離痕 玉屏風冷愁人醉爛漫梅花翠雲傍夜船回  
惜春門掩一鏡香塵

前調

蔣捷

小飲微吟殘燈斷雨靜戶幽牕幾度花開幾番花謝又  
到昏黃 潘孌不是潘郎料應也霜黏鬢傍鸚鵡闌空  
鴛鴦壺破煙渺雲茫

前調

蔣捷

學唱新腔秋千架上釵股敲雙柳雨花風翠鬆裙摺紅  
膩鞦韆歸來門掩銀缸淡月裏疎鐘漸撞嬌欲人扶  
醉嫌人問斜倚樓牕

前調

梅四首

周密

約略春痕吹香新句照影清尊洗盡時妝效顰西子不  
負黃昏  
金沙舊事休論儘消得東風返魂一段真情  
風前孤驛雪後前村

前調

周密

萬雪千霜禁持不過玉雪生光水部多情杜郎老矣易  
惱愁腸 天寒野嶼空廊靜倚竹無人自香一笑相逢  
江南江北竹屋山牕

前調

周密

映水穿籬新霜微月小蕊疎枝幾許風流一聲龍竹半  
幅鵝溪 江頭悵望多時欲待折相思寄伊真色真香  
丹青難寫今古無詩

前調

周密



夜鶴驚飛香浮翠  
蜀玉點霜枝古意  
高風幽人空谷靜  
女深幃芳心自有  
天知任醉舞花邊  
帽敝最愛孤山雪  
初晴後月未殘時

前調

楊花

周密

似霧中花似風前  
雪似雨餘雲本自  
無情點萍成綠却  
又多情西湖南陌  
東城甚管定年年  
送春薄倖東風薄  
情遊子薄命佳人

前調

清明  
夜雪

張炎

一夜凝寒忽成瓊樹換却繁華因甚春深片紅不到綠  
水人家 眼驚白晝天涯空望斷塵香鈿車獨立東風  
曲闌惆悵莫是梨花

前調

羅椅

萼綠華身小桃花扇安石榴裙子夜聞歌周郎顧曲曾  
惱夫君 悠悠羈旅愁人似零落青天斷雲何處銷魂  
初三夜月第四橋春

前調

黃蘭

病酒心情喚愁無限可奈流鶯又是一年花驚寒食柳  
認清明 天涯翠巘層層是多少長亭短亭倦倚東風  
只憑好夢飛到銀屏

前調

燈花

張林

白玉枝頭忽看蓓蕾金粟珠垂半顆安榴一枝濃杏五  
色薔薇 何須疊鼓聲催銀缸裏春工四時却笑燈蛾  
學他蜂蝶照影頻飛

前調

憶西湖

姚勉

長記西湖水光山色濃澹相宜豐樂樓前湧金門外買  
箇船兒而今又是春時清夢只孤山賦詩綠蓋芙蓉  
青絲楊柳好在蘇堤

前調

海棠

葛長庚

一夜清寒千紅曉燦春不曾知細看何如醉時西子睡  
底楊妃盡皆蜀種垂絲晴日暖熏成錦圍說與東風  
也須愛惜且莫吹飛

前調

寄鷗林

葛長庚

鶴使南翔詞珍翰綺誼暖情香如在瓊臺夢回初飲月  
液雲漿 風吹蘆葉冥茫夕照外山高水長遙想東樓  
琪花玉樹梅影昏黃

前調

梅二首

朱媛

朱淑真

玉骨冰肌為誰偏好特地相宜一味風流廣平休賦和  
靖無詩 倚牕睡起春遲困無力菱花笑窺嚙蕊吹香  
省心點處鬢畔簪時

前調

朱淑真

凍合疎籬半飄殘雪斜臥低枝  
可便相宜煙藏修竹月  
印寒池 亭亭佇立移時  
揅瘦損無妨爲伊誰賦才情  
畫成幽思寫入新詞

前調

友人至

王學文

客裏淒涼桐花滿地杜宇深山  
幸自君來誰教君去翦  
翦輕寒 愁懷無語相看  
謾寫入徽絃自彈小院黃昏  
前村風雨莫倚闌干

前調

柯九思

姑射論量漸消冰雪重試梳妝欲吐芳心還羞素臉猶  
吝清香此情到底難藏悄脈脈相思寸腸月轉更深  
凌寒等待更倚西廊

前調

張雨

盼得春來春寒春困陡頓無聊半刻殘釭片時春夢過  
了元宵空山暮暮朝朝到此際無魂可消却倚東風  
水如衣帶草似裙腰

前調

朱灝

花墜蘿攀苔痕雨洗雀睡紅間雌蜺吞溪殘陽倚閣黛  
染峰鬟 簾疎月似人間春事杳鷓鴣歌漫刪柳髮晞風  
蓮妝凝晚犬吠雲還

前調

張 縉

垂柳煙濃鶯兒哺子杏萼飄紅寒食初過秋千未拆寂  
寞春風 雲波芳信誰通空倩問殘鱗斷鴻無限相思  
夕陽牕外新月牆東

前調

張 縉



遠遠湖濱一叢煙樹村舍新成籬落橫遮溪流環抱儘  
有餘清 野人爛煮萸羹正細雨茅檐晚晴啼鳥樹邊  
眠鷗沙際一片閒情

前調

陳子龍

繡嶺平川漢家故壘一抹蒼煙陌上香塵樓前紅燭依  
舊金鈿 十年夢斷嬋娟回首處離愁萬千細柳新蒲  
昏鴉暮鴈芳草連天

前調

咏螢

釋涵初

碧燄疎篁斜飛秋水輕點蓮香忽影風簷半明苔壁又  
入繩床 夜深露冷清光度殘月亂點蒼茫羅幌眠雲  
松牕幽磬心地空涼

前調

又一體

呂渭老

遠簾籠月誰見南陌子規啼血萸糝菊英整冠落帽一  
時虛設 五湖自有深期曾指定燈花細說燕子巢空  
秋鴻程遠音書中絕

前調

蔡伸

數聲啼鴂可憐又是春歸時節滿院東風海棠鋪繡梨  
花飄雪 丁香露泣殘枝算未比愁腸寸結自是休文  
多情多感不干風月

前調

蔡伸

子規啼月幽衾夢斷銷魂時節枕上斑斑枝頭點點  
成清血 淒涼斷雨殘雲算此恨文君更切老去情懷  
春來況味那禁離別

前調

蔡伸

聯璧尋春蹋青尚憶年時携手此際重來可憐還是年  
時時候 陰陰柳下人家人面似桃花依舊但願年年  
春風有信人心長久

前調

謝逸

香肩輕拍尊前忍聽一聲將息昨夜濃歡今朝別酒明  
日行客 後回來則須來便去也如何去得無限離情  
無窮江水無邊山色

前調

葛郯

謝家池閣翠桁香濃瑣牕紗薄夜雨燈前秋風花下與  
誰同樂 主人許我清狂奈酒量從來最弱顛倒冠巾  
淋漓衣袂醒時方覺

前調

葛 郊

空中雨閣一段輕陰翠鋪林薄橋內仙翁棋邊公子共  
成清樂 主人有井投車看席上雲輕柳弱斗轉簷頭  
雞鳴牕外無人知覺

前調

聚八仙花

趙師俠

人間春足一番紅  
紫水流風逐戲蝶  
初間輕搖粉翅高  
低飛撲  
雨昏煙暝增明似  
積雪枝間映綠后  
土瓊芳  
蓬萊仙伴蕊紛香粟

前調

王子莆陽  
壺山閣

趙師俠

暑懷煩鬱危欄徙倚凝情  
獨立榕葉連陰橫岡接秀壺  
峰凝碧  
海山雲樹微茫更無數  
歸帆暮集却憶瀟湘  
孤村煙渚晚風斜日

前調

張元幹

海山浮碧細雨絲風新愁如織慵試春衫不禁宿酒天涯寒食  
歸期莫數芳辰誤幾度回廊夜色入戶飛花隔簾雙燕有誰知得

前調

朱敦儒

狂蹤怪跡誰料半老天涯爲客帆展霜風船隨江月山寒波碧  
如今著意添愁怎忍見參西雁北洛浦鶯花伊川雲水如何歸得

前調

李瑩

楊无咎

小閣深沉酒醺香暖容易眠熟夢入桃源桃紅似火李  
瑩如玉覺來幾許悲涼記永夜傳杯換燭繡被熏香  
寶釵落枕同論心曲

前調

秋社懷  
故山

楊无咎

送鴈迎鴻未寒時節已涼天氣鍼線倦拈簾幃低捲別  
般風味敲眠夢到山中共老幼扶攜笑喜桑柘影深  
雞豚香美家家人醉

前調

咏梅  
二首

楊无咎



粉牆斜搭被伊勾引不妄時霎一夜幽香惱人無寐可  
堪開市 曉來起看芳叢只怕裏危梢欲壓折向膽瓶  
攜歸雲閣休熏金鴨

前調

楊无咎

爲愛冰姿畫看不足吟看不足已恨春催可堪風裏飛  
英相逐 只應自惜高標似羞伴妖紅媚綠藏白收香  
放他桃李漫山粗俗

前調

贈張  
丞

侯寘

小院輕寒酒濃香軟深沉簾幙我輩相逢歡然一笑春  
在盃酌 家山辜負猿鶴軒冕意秋雲似薄我自西風  
扁舟歸去看君寥廓

前調

送呂子  
紹守峽

侯 寘

楚天清絕葦岸蘭汀素秋時節簾捲湘紋香飛雲篆耐  
看輕別 明朝底處關山算總是愁花恨月白馬江寒  
黃牛峽靜小梅初徹

前調

張孝祥

滿城風雨重陽時節更催行色隴樹寒輕海山秋老清  
愁如織一杯莫惜留連我亦是天涯倦客後夜相思  
水長山遠東西南北

前調

趙彥端

酴醾過也酴醾過後無花堪折只有垂楊垂楊却作絮  
驚行色海棠半在如無又爭倩薔薇戀得除是東風  
隨君歸問玉堂消息

前調

柳

高觀國

翠拂晴波煙垂古岸灞橋春色斜帶鴉啼亂縈鶯夢愁  
絲如織 爲憐張緒風流正瘦損宮腰褪碧綻綰同心  
留連不住天涯行客

前調

詠梅次楊  
補之韻

柯九思

翠苔輕搭南枝逗暖乍收微霎亂播繁花快張華宴遶  
花千市 玉堂無限風流但只欠些兒雪壓任選一枝  
折歸相伴繡屏花鴨

前調

梅

柯九思

懊恨春初飄零月下輕離輕隔重醞梨雲乍舒柳眼羞  
人曾識已堪索笑巡檐早準備憐憐惜惜莫是溪橋  
攬先開却試馳金勒

前調

未開梅次  
柯敬仲韻

吳正志

小春先試特地尋芳音容猶隔霜苞揀盡愁斷情人悔  
輕相識欲折一枝歸去滿腔生意還堪惜惆悵吟詩  
斂衣緩步不須金勒

前調

盛開梅次  
楊補之韻

吳正志

欽定四庫全書

御選歷代詩餘

卷三十

三五

樛枝交搭白徧山村只一時霎粉蝶忙忙翠禽唧唧飛  
鳴三市 欲招高士評誇又恐怕夜來雪壓花神自喜  
顧影嬉遊忽驚睡鴨

前調

又一體  
欲開梅

吳正志

消息難量雨肥紅綻乍展輕妝南枝三兩漏洩春光何  
處生香 容他幽閣深藏到時來自迴鐵腸月色朦朧  
寒星幾點掩映長廊

前調

開殘  
梅

吳正志

正好芳菲笛聲吹落徙倚眠遲玉鱗片片飄泊東西疎  
影離披 山家風雨無期把瑤林暗凋可悲明年春暖  
還從落處再覩開時

惜分飛

又一體雙調五十  
字一名惜雙雙

惜分飛

別吳作

晁補之

山水光中原無暑是我消魂別處只有多情雨會人深  
意留人住 不見梅花來已暮未見荷花又去圖畫他

年覩斷腸千古茗溪路

前調

賀鑄

皎鏡平湖三十里碧玉山園四際蓮蕩香風裏彩鴛鴦  
覺雙飛起 明月多情隨航尾偏照空床翠被回首笙  
歌地醉更衣處長相記

前調

贈別  
瑞芳

毛滂

淚濕闌干花著露愁到睂峰碧聚此恨平分取更無言  
語空相覩 短雨斷雲無意緒寂寞朝朝暮暮今夜山



深處斷魂分付潮回去

前調

富陽水寺  
望秋月

毛滂

山轉沙迴江聲小望盡冷煙衰草夢斷瑤臺曉楚雲何處  
英英好古寺黃昏人悄悄簾卷寒堂月到不會思量了  
素光看盡桐陰少

前調

毛滂

花影低徊簾幕捲慣了雙來燕燕驚散雕闌晚雨昏煙  
重垂楊院雲斷月斜紅燭短望斷真成望斷情寄梅

花點趁風吹過樓南畔

前調

九日

袁去華

平日悲秋今已老  
細看秋光自好  
風緊寒生早  
漫將短髮還吹帽  
寂寞東籬人不到  
只有淵明醉倒  
一笑留殘照  
世間萬事蠅頭小

前調

袁去華

雨過殘陽明遠樹  
樹底鳴蟬無數  
臨水人家住  
靠西便入江南路  
曲逕通幽深  
幾許翠竹短牕  
無暑小立凭

肩語箇中曾是孤眠處

前調

沈端節

喜入睂心黃點瑩珠珮玲瓏透影風露蕭蕭冷夢回月  
窟香成陣 秋後襟懷君莫問揀了因他瘦損不似尋  
常韻細看沒處安排悶

前調

歌樓別客

汪元量

燕子留君君欲去征馬頻嘶不住握手空相覷淚珠成  
縷睂峰聚 恨入金徽孤鳳語愁得文君更苦今夜西

金一  
卷二十一  
雨斷腸能賦江南句

前調

閨情

吳鼎芳

紅界枕痕微褪玉喚起自禁幽獨好鳥啼春足歸期不  
準花鬢卜盡日眉峰雙凝綠十二繡簾低軸人在闌  
干曲楊花却羨無拘束

前調

握扇美人圖

李伊玉

花雨續紛迷小院蓮步蹋殘香片粉汗搖紈扇輕紗微  
露黃金釧夕照山橫天一線水影光分上面錦帶隨

風纏釵斜爲逐雙飛燕

荷葉杯

又一體雙  
調五十字

荷葉杯

韋莊

絕代佳人難得傾國花下見無期一雙愁黛遠山眉不  
忍更思維閒掩翠屏金鳳殘夢羅幕畫堂空碧天無  
路信難通惆悵舊房櫳

前調

許棐

欽定四庫全書

御選歷代詩餘

卷二十

二十九

鵲踏畫檐雙噪書到和笑拆封看歸程能隔幾重山遠  
約數峰間 準備繡輪雕轡游戲說與百花知莫教枝  
上一紅飛留伴玉東西

### 滴滴金

木菊花名也取以  
名調雙調五十字

### 滴滴金

李遵勗

帝城五夜宴遊歇殘燈外看殘月都來猶在醉鄉中聽  
更漏初徹 行樂已成閒話說如春夢覺時節大家同

約探春行問甚花先發

前調

送路彥捷  
赴儀真

趙彥端

澄溪暝度輕漸白對平湖澹煙隔我與征鴻共行人更  
張燈留客東園半是餘花迹料仙帆到時發若倚江  
樓望清淮爲殷勤鄉國

前調

又一  
體

晏殊

梅花漏洩春消息柳絲長草芽碧不覺星霜鬢邊白念  
時光堪惜蘭堂把酒留嘉客對離筵駐行色千里音

欽定四庫全書

御選歷代詩餘

卷三十

三千

塵便疎隔合有人相憶

前調

又一體

楊无咎

相逢未盡論心素  
早容易背人去  
憶得歌翻腸斷句  
更惺惺言語  
萋萋芳草迷南浦  
正風吹打船雨  
靜聽愁聲夜無眠  
到水村何處

御選歷代詩餘卷二十



欽定四庫全書

集部

御選歷代詩餘卷二十一

詳校官中書臣潘有為

侍讀臣孫球覆勘

總校官進士臣朱 鈐

校對官編修臣 盧 遂

謄錄監生臣朱續曾

欽定四庫全書

御選歷代詩餘卷二十一目錄五十

字

西江月

歐陽炯

司馬光

晏幾道二首

柳永

蘇軾五首

黃庭堅 三首

晁補之

陳師道 二首

李之儀

毛滂 三首

葛勝仲 四首

周紫芝 二首

謝逸 七首

向子諲

四首

蔡伸

趙師俠

趙長卿

二首

趙鼎

張掄

朱敦儒

曾覲

三首

楊无咎

侯寘 二首

辛棄疾 十三首

范成大

陳三聘

葛立方

張孝祥 九首

朱熹

王千秋 二首

黃機 二首

盧祖皋

高觀國

史達祖 三首

韓淉 二首

汪莘

李昴英

張栻

盧炳

沈端節

吳文英  
三首

周密  
三首

王沂孫

張炎  
三首

石孝友

張景臣

曾揆

何夢桂

陳逢辰

二首

無名氏

曹希蘊

韓玉

段克己



白樸

蒲道源

劉因

劉詵

王行

劉基

張大烈

程醇

吳楨

端淑卿

前調又一體

黃庭堅

吳文英

前調又一體

程垓

御選歷代詩餘卷二十一目錄

欽定四庫全書

御選歷代詩餘卷二十一

五十一字

司經局洗馬掌局事兼翰林院修撰加二級臣王英清奉

旨校刊

西江月

一名夢虛詞雙調五十字  
字前後平仄叶一韻

西江月

歐陽炯

水上鴛鴦比翼巧將繡作羅衣鏡中重畫遠山眉春睡

起來無力 鈿雀穩簪雲髻含羞時想佳期臉邊紅豔  
對花枝猶占鳳樓春色

前調

司馬光

寶髻鬆鬆綰就鉛華淡淡妝成紅雲翠霧罩輕盈飛絮  
游絲無定 相見爭如不見有情還似無情笙歌散後  
酒微醒深院月明人靜

前調

晏幾道

愁黛顰成月淺啼妝印得花殘只消驚枕夜來閒曉鏡

心情更嬾 醉帽簷頭風細 征衫袖口香寒 綠江春水  
寄書難攜手佳期又晚

前調

晏幾道

南苑垂鞭路冷 西樓把袂人稀 庭花猶有鬢邊枝 且插  
殘紅自醉 畫幕涼催燕去 香屏曉放雲歸 依前青枕  
夢回時 試問閒愁有幾

前調

柳永

鳳額繡簾高卷 獸環朱戶頻搖 兩竿紅日上花梢 春睡

厭厭難覺 好夢狂隨風絮閒愁濃勝香醪不成雨暮  
與雲朝又是韶光過了

前調

次韻賞  
瑞香

蘇軾

小院朱闌幾曲重城畫鼓三通更看凝月轉光風歸去  
香雲入夢 翠袖爭浮大白皁羅半插斜紅燈花零落  
酒香濃妙語一時飛動

前調

重九

蘇軾

點點樓頭細雨重重江外平湖當年戲馬會東徐今日

淒涼南浦 莫恨黃花未吐且教紅粉相扶酒闌不必  
看茱萸俯仰人間今古

前調

梅

蘇軾

玉骨那愁瘴霧冰肌自有仙風海仙時遣探芳叢倒挂  
綠毛么鳳 素面翻嫌粉浣洗妝不褪脣紅高情已逐  
曉雲空不與梨花同夢

前調

月夜  
水橋上

蘇軾

照夜瀾瀾淺浪橫空暖暖微霄障泥未解玉驄驕我欲



醉眠芳草 可惜一溪明月莫教踏碎瓊瑤解鞍教枕  
綠楊橋杜宇數聲春曉

前調

得代

蘇軾

昨日扁舟京口今朝馬首長安舊官何物與新官只有  
湖山公案 此景百年幾變箇中下語千難使君才氣  
卷波瀾與把新詩判斷

前調

酬惠洪上人

黃庭堅

月側金盆墮水鴈回醉墨書空君詩秀色雨園葱想見

衲衣寒擁 蟻穴夢魂人世揚花踪跡風中莫將社燕  
等秋鴻處處春山翠重

前調 茶

黃庭堅

龍焙頭綱春早谷簾第一泉香已醺浮蟻嫩鵝黃想見  
翻匙雪浪 兔褐金絲寶盃松風蟹眼新湯無因更發  
次公狂甘露來從仙掌

前調

黃庭堅

宋玉短牆東畔桃源落日西斜濃妝下著繡簾遮鼓笛

相催清夜轉盼驚翻長袖低徊細踏紅靴舞餘猶顫  
滿頭花嬌學男兒拜謝

前調

晁補之

似有如無好事多離少會幽懷流鶯過了又蟬催腸斷  
碧雲天外不寄書還可恨全無夢也堪猜秋風吹淚  
上樓臺只恐朱顏便改

前調

詠酴醾

陳師道

點點輕黃減白垂垂重露生鮮肌香骨秀月中仙雪滿

瑤臺曳練 綽約却宜長見清真不假餘妍殷勤與插  
小嬋娟要試尊前玉面

前調

詠榴花

陳師道

葉葉枝枝綠暗重重密密紅滋芳心應恨賞春遲不會  
春工著意 晚照酒生嬌面新妝睡汚臙脂憑將雙葉  
寄相思與看釵頭何似

前調

李之儀

醉透香濃斗帳燈深月淺回廊當時背面兩悵悵何況

臨風懷想 舞柳經春底瘦遊絲到地能長鴛鴦半調  
已無腸忍把么絃再上

前調

毛滂

花下春藏五馬松間風落雙鳬兵厨玉帳卷鄴湖人醉  
碧雲欲暮 歸去聊登文石翱翔便是天衢雅歌誰解  
繼投壺桃李無言滿路

前調

縣圖  
小酌

毛滂

煙雨半藏楊柳風光初到桃花玉人細細酌流霞醉裏

將春留下 柳畔鴛鴦作伴花邊蝴蝶為家醉翁醉裏  
也隨他月在柳橋花榭

前調

秋夜

毛滂

雨後袂衣初冷霜前細菊渾斑觚稜清月繡團圓萬里  
長安秋晚 槽下內家玉滴盤中江國金丸春容著面  
作微殷燭影紅搖醉眼

前調

葛勝仲

山鎮紅桃阡陌煙迷綠水人家塵容誤到只驚嗟骨冷

玉堂今夜 莫對佳人錦瑟休辭洞府流霞峰迴路轉  
亂雲遮歸去空傳圖畫

前調

葛勝仲

鞦韆斜紅帶柳琉璃漲綠平橋人間風月正新妖不數  
江南蘇小 恨寄飛花簌簌情隨流水迢迢鯉魚風起  
木蘭撓回棹荒雞報曉

前調

葛勝仲

清樾已生晝寂孤花尚表春餘象牀雲簟燕堂虛初過

晚涼微雨 珪璧新來北苑鱸魚未減東吳捧觴紅袖  
透香膚不浥翔龍煙縷

前調

送弟赴  
定遠簿

葛勝仲

萬卷舊推鴻博一官且慰蹉跎昇平樓下賜巍科曾對  
顴印黼座 燕領從來骨貴鸞栖尚屈才多今宵且共  
入無何定遠功名么麼

前調

周紫芝

羅袖雲輕霧薄醉肌玉軟花柔相逢不道有春愁只道



春來微瘦 一點人間深意數聲柳下輕謳帶將離恨  
上歸舟腸斷月斜時候

前調

拒霜花

周紫芝

天意未教秋老花容剗地宜霜酒肌紅軟玉肌香不與  
梨花同樣 來伴孫郎小宴臨風為舞霓裳更深綠水  
照紅妝便是采蓮船上

前調

謝逸

落莫寒香滿院扶疎清影侵門雪消平墅晚煙昏睡起

嬾勻檀粉 皎皎風前玉樹盈盈月下冰魂南枝春信  
夜來溫便覺肌膚瘦損

前調

謝逸

窄袖淺籠溫玉修眉淡掃遙岑行時雲霧繞衣襟步步  
蓮生宮錦 菊與秋煙共晚酒隨人意俱深尊前有客  
動琴心醉後清狂不禁

前調 箏

謝逸

寶柱橫雲鴈影朱絃隔葉鶯聲風生玉指晚寒清宮樣

輕黃袖冷 飲罷尚留餘意曲終自有深情歸來江上  
數峰青梅小橫斜夜永

前調

謝逸

青錦纏枝佩劍紫絲絡轡飛驄入關意氣喜生風年少  
胸吞雲夢 金闕日高露泣東華塵軟香紅爭看荀氏  
第三龍春暖桃花浪湧

前調

木芙蓉  
二首

謝逸

曉豔最便清露晚紅偏怯斜陽移根栽近菊花傍蜀錦

翻成新樣 坐客聯揮玉麈  
歌詞細琢瓊章從今故事  
記溪堂歲歲攜壺共賞

前調

謝逸

木末誰攀新萼雪消自種前庭  
莫嫌開過尚盈盈似待  
詩人醉詠 霜後最添妍麗  
風中更覺娉婷影搖溪水  
一灣清妝罷曉臨鸞鏡

前調

梅

謝逸

密雪未知膚  
白夜寒已覺  
香清振芳堂  
下月盈盈踏碎

橫斜疎影 且醉杯中綠  
蟻休辭笛裏清聲東君催促  
子青青滋味要調金鼎

前調

寄友

向子諲

得意穿林度水及時斫玉分金  
茲遊了却未來心怪我  
歸遲一任居士何如學士  
翰林休笑薌林箇中真味  
少知音不是清狂太甚

前調

向子諲

五柳坊中煙綠百花洲上雲紅  
蕭蕭白髮兩山翁不與

時人同夢 拋却麟符虎節 徜徉月下林風 世間萬事  
轉頭空箇裏 如如不動

前調

酴醾

向子諲

紅褪小園桃杏 綠生芳草池塘 誰教芍藥殿春光 兀似  
酴醾官樣 翠蓋更蒙珠幃 熏爐賸熨沉香 娟娟風露  
滿衣裳 獨步瑤臺月上

前調

壽婦

向子諲

幾見芙蓉並蒂 忽生三秀靈芝 千年老樹出孫枝 岩桂

秋來滿地 白鶴雲間翔舞綠龜葉上遊嬉齊看偕老  
更何疑箇裏自非塵世

前調

蔡伸

翡翠蒙金衫子鏤塵如意冠兒持杯輕按遏雲詞別是  
出塵風味 莫羨雙星舊約願諧明月佳期憑肩密語  
兩心知一棹五湖煙水

前調

同友巡城飲  
於南楚樓

趙師俠

淼淼澄清波面依依紫翠山光危欄徙倚對斜陽山影

波流蕩漾 世事一翻醒  
醉人生幾度炎涼  
高情收拾 付觥觴  
何啻義皇人上

前調

邀蔡堅老忠孝堂觀書

趙長卿

水滿平塘過雨洗妝紅  
褪芙蓉綠荷弄影  
陰龜魚無限 閒中  
景趣 瀟灑高堂  
邃館那堪左右  
圖書凌雲賦得  
似相如多少風流  
態度

前調

夏日有感

趙長卿

穩唱巧翻新曲  
靈犀密意潛通  
荷花香染晚來  
風相對 欽定四庫全書



恍然如夢 有恨睂尖皺 碧多情 酒暈生紅 此愁不是  
等閒濃應為仙源傾動

前調

福唐別  
故人

趙鼎

世態浮雲易變時 光飛箭難留 五年重見海東頭 只有  
交情似舊 未盡別來深意 難堪老去 離愁青山迢遞  
水悠悠 明日扁舟病酒

前調

瑞香

張掄

翦就碧雲鬪 葉刻成紫玉芳心 淺香不怕峭寒侵 暖徹

熏籠瑞錦 花裏清芬獨步尊前勝韻難禁飛香直到  
玉杯深消得厭厭痛飲

前調

朱敦儒

日日深杯酒滿朝朝小圃花開自歌自舞自開懷且喜  
無拘無礙 青史幾番春夢紅塵多少奇才不須計較  
與安排領取而今現在

前調

元宵醉  
中走筆

曾覲

煥爛蓮燈高下參差梅影橫斜凭闌一目盡天涯雪月  
欽定四庫全書

交輝清夜 莫惜柔荑勸酒從教醉臉生霞爛銀宮闕  
對仙家一段風光如畫

前調

曾 覲

桂苑旋生涼思銀河左界秋高纖塵不動湛清霄皓月  
照人偏好 詩為情多却減酒因愁裏難消一聲羌管  
夢魂勞可惜風光虛了

前調

曾 覲

醉伴三千珠履如登十二瓊樓壺天澄爽露華秋濫濫

金波醜酒 羅扇不隨恩在佳時須要人酬麒麟畫閣  
為誰留只見浮生白首

前調

楊无咎

態度雪香花瘦情懷雨潤雲溫故將淡墨寫精神記得  
洗妝餘暈 只恐妖嬈未似誰云彼此難分別來顚顚  
不堪論相對無言有恨

前調

侯寘

金鼎香銷沉麝碧梧影轉闌干半庭明月綺牕閒簾幙

低垂不卷 一自高唐人去秋風幾許摧殘拂簷修竹  
韻珊珊夢斷山長水遠

前調

侯寘

豆蔻梢頭年紀芙蓉水上精神幻雲嬌玉兩眉春京洛  
當時風韻 金縷深深勸客雕梁簌簌飛塵主人從得  
董雙成應忘瑤池宴飲

前調

采石磯戲  
作漁父詞

辛棄疾

千丈懸崖削翠一川落日鎔金白鷗來往本無心選甚

風波一任 別浦魚肥堪鱠  
前村酒美重斟  
千年往事  
已沉沉閒管興衰則甚

前調

壽范南伯知縣

辛棄疾

秀骨青松不老新詞玉佩相磨  
靈槎準擬泛銀河剩摘  
天星幾箇  
奠枕樓前風月駐  
春亭上笙歌留君一醉  
意如何金印明年斗大

前調

和楊民瞻賦丹桂韻

辛棄疾

宮粉厭塗嬌額濃妝偏壓  
秋花西真人醉憶仙家飛佩

丹霞羽化 十里芬芳未足一亭風露先加杏顙桃臉  
費鉛華終慣秋蟾影下

前調

和陳安行  
舍人韻

辛棄疾

風月亭危致爽管絃聲脆休催主人只是舊情懷錦瑟  
傍邊須醉 玉殿何曾儂去沙堤正要公來看看紅藥  
又翻堦趁取西湖春會

前調

三山  
作

辛棄疾

貪數明朝重九不知過了中秋人生有得許多愁只有

黃花如舊 萬象亭中殢酒九仙閣上扶頭城鴉喚我  
醉歸休細雨斜風時候

前調

夜行黃沙道中

辛棄疾

明月別枝驚鵲清風半夜鳴蟬稻花香裏說豐年聽取  
蛙聲一片 七八箇星天外兩三點雨山前舊時茆店  
社林邊路轉溪橋忽見

前調

辛棄疾

剩欲讀書已嬾只今多病長閒聽風聽雨小牕眠過了



春光大半 往事數尋去鳥消愁難解連環流鶯不肯  
入西園喚起畫梁飛燕

前調

木樨

辛棄疾

金粟如來出世蕊宮仙子乘風清香一袖意無窮洗盡  
塵緣千種 長為西風作主更居明月光中十分秋意  
與玲瓏拚却今宵無夢

前調

辛棄疾

醉裏且貪歡笑要愁那得工夫近來始覺古人書信著

全無是處 昨夜松邊醉倒問松我醉何如只疑松動  
要來扶以手推松曰去

前調

秋水  
瀑泉

辛棄疾

八萬四千偈後更談妙語披襟紉蘭結佩有同心喚取  
詩翁來飲 鏤玉裁冰著句高山流水知音胸中不受  
一塵侵却怕靈均獨醒

前調

悠然  
閣

辛棄疾

一柱中擎遠碧兩峰傍聳高寒橫陳削盡短長山莫把

一分增減 我望雲煙目斷人言風景天慳被公詩筆  
盡追還重上層梯一覽

前調

示兒曹

辛棄疾

萬事煙雲忽過百年蒲柳先衰而今何事最相宜宜醉  
宜遊宜睡 早趁催科了納更量出入收支乃翁依舊  
管些兒管竹管山管水

前調

辛棄疾

粉面多成醉夢霜髯能幾春秋來時送我伴牢愁一見

尊前似舊 詩在陰何側畔字居羅趙前頭錦囊來往  
幾時休已遣蛾眉等候

前調

范成大

北客開眉樂歲東君著意華年遮風藏雨晚雲天應怕  
杏梢紅淺 不惜燈前放夜從教雪後留寒水晶簾箔  
萬花鈿聽徹南樓曉箭

前調

陳三聘

春事已濃多日遊人偏勝今年梨花寒食雨餘天鴨綠

含風浪淺 翠袖半黏飛粉羅衣尚怯輕寒不辭歸路  
委香鈿門外東風如箭

前調

開爐

葛立方

風送丹楓捲地霜乾枯葦鳴溪獸爐重展向深閨紅入  
麒麟方熾 翠帔低垂銀蒜羅幃小釘金泥笙歌送我  
玉東西誰管瑤花舞砌

前調

黃陵廟

張孝祥

滿載一船明月平鋪千里秋江波神留我看斜陽喚起

粼粼細浪 明日風回更好今朝露宿何妨水晶宮裏  
奏霓裳準擬岳陽樓上

前調

洞庭

張孝祥

問訊湖邊春色重來又是三年東風吹我過湖船楊柳  
絲絲拂面 世路如今已慣此心到處悠然寒光亭下  
水連天飛起沙鷗一片

前調

同僚飲  
錢宜齋

張孝祥

牕戶青紅尚濕主人已作歸期坐中賓客盡鄒枚盛事

他年誰繼 別酒深深頻勸離歌緩緩休催扁舟明日  
轉清溪好月相望千里

前調

張孝祥

不識平原太守向來水北山人世間功業漫虧成華髮  
蕭蕭滿鏡 幸有田園故里聊分風月江城西陂西畔  
晚波平袖手時來照影

前調

張孝祥

冉冉寒生碧樹盈盈露濕黃花故人玉節有光華高會

仍逢戲馬 世事只今如夢此身到處為家與君相遇  
更天涯撿了茱萸醉把

前調

庾樓醉  
後和韻

張孝祥

樓外疎星映水樓頭畫燭烘簾憑高舉酒思厭厭征路  
虛無指點 酒興因君開闊山容向我增添一鉤新月  
弄纖纖濃露花房半斂

前調

張孝祥

十里輕紅自笑兩山濃翠相呼意行著脚到精廬借我



繩牀小住 解飲不妨文字無心更狎鷗魚一聲長嘯  
暮煙孤袖手西湖歸去

前調

張孝祥

風盡灘聲未已雨來篷底先知岸邊楊柳最憐伊憶得  
扁舟曾繫 朝霧平吞白塔茆簷似有青旗三杯村酒  
醉如泥天色寒呵且睡

前調

飲百花亭

張孝祥

落日鎔金萬頃晴嵐洗劒雙峰紫樞元是黑頭公佳處

因公愈重 分得湖光一曲喚回廬岳千峰一尊今夜  
偶然同早晚商巖有夢

前調

朱熹

睡處林風瑟瑟覺來山月團團身心無累久輕安況有  
清涼池館 句穩翻嫌白俗情高却笑郊寒蘭膏元自  
少陵殘好處金章不換

前調

王千秋

四俊鄉臺薦鶚一夢漕府登賢明年春晚柳如煙看取

臚傳金殿 冊府牙籤畫閣詞壇紫誥宵傳青梅置酒  
定無緣且放金杯潑灩

前調

王千秋

璀璨雕龍灑筆聯翩薦鶚飛書翻堦紅藥試妝梳管取  
不寒溫樹 容我一杯為壽看君九萬鵬圖髻鬟人小  
串璣珠歲歲綠牕朱戶

前調

泛洞庭

黃機

漠漠波浮雲影遙遙天接山痕一聲漁唱起蘋汀名利

綠渠喚醒 短棹擬攜西子長吟時  
弔湘靈白鷗容我  
作同盟占取兩湖清影

前調

黃機

撚翠低垂嫩萼勻紅倒簇繁英穠纖  
消得比娉婷酒入  
香肌成暈 簾幙陰陰牕牖闌干  
曲曲池亭枝頭不起  
夢春醒莫遣流鶯喚醒

前調

盧祖皋

燕掠晴絲裊裊魚吹水葉粼粼  
禁街微雨灑芳塵寒食

欽定四庫全書

御選歷代詩餘  
卷二十一

三

清明相近 漫著宮羅試暖閒呼社酒酬春晚風簾幙  
悄無人二十四番花信

前調

高觀國

小舫半簾山色斷橋兩岸秋陰芙蓉消息已愁深紅染  
雲機翠錦 幾度煙波共酌半生風月關心飛來鷗鷺  
是知音一笑歌邊醉醒

前調

史達祖

西月淡窺樓角東風暗落簷牙一燈初見影牕紗又是

重簾不下 幽思屢隨芳草閒愁多似楊花揚花芳草  
徧天涯繡被春寒夜夜

前調

史達祖

一片秋香世界幾層涼雨闌干青天不惜爛銀盤借與  
先生為勸 酒喚詩來酒外人言身在人間如何得似  
碧雲閒且共姮娥相伴

前調

史達祖

裙褶綠羅芳草冠梁白玉芙蓉次公筵上見山公紅綬

欲銜雙鳳 已向冰匳約月更來玉界乘風凌波韞冷  
一尊同莫負彩舟涼夢

前調

韓 澮

聞道晚春時候暖風是處花飄遊人爭渡水南橋多少  
池塘春草 躍馬誰聯玉勒釣魚應泛蘭船韶光何限  
不逍遙輸與溪鷗野鳥

前調

韓 澮

脉脉蜂黃蝶粉盈盈水秀山明賣花聲裏聽吹觴佳麗

芳華韻勝 下上休看舞燕惺惚一任啼鶯枕痕屏曲  
夢闌情酒醒春宵漏靜

前調

賦紅  
白梅

汪莘

紅白雖分兩色清香總是梅花蚤春風日野人家相對  
伯夷柳下 愛影拈將燈取惜香放下簾遮長安如此  
只堪誇樂此應須賢者

前調

李昴英

小鷁載池心月長虹跨水中天主人情重客留連便欲



乘風寒殿 霜竹且傳秋信  
鏡葉不作春妍  
夜涼正好  
倒金船  
朔飲而今重見

前調

張 槩

春事三分之二  
落花庭院輕寒  
翠屏圍夢  
寶熏殘  
牕外流鶯聲亂  
睡起猶支雪腕  
覺來慵整雲鬟  
閒拈樂府倚闌干  
宿酒纔醒一半

前調

盧 炳

殘雪猶餘遠嶺  
晚煙半隱寒林  
溶溶春漲  
綠波深  
時有

漁人釣艇 倚岸野梅墜粉蘼溪官柳搖金凭闌凝佇  
酒初醒料得誰知此景

前調

沈端節

一枕香消瑞腦十年漂泊江湖空餘清夢繞原廬記得  
林間風度 錦繡谷中舊客襟懷未肯全疎從今不要  
別人扶醉擁紫雲歸去

前調

蓬萊閣  
看桂

吳文英

清夢重遊天上古香吹下雲頭簫聲三十六宮愁高處

花驚風驟 客路羈情不斷 闌干晚色初收 千山濃綠  
未成秋 誰見月中人瘦

前調

吳文英

江上桃花流水 天涯芳草 青山樓臺 春鎖碧雲灣 都入  
行人望眼 一鏡平波 鷗去千林 落日鴉還 天風裊裊  
送輕帆 驀過星槎銀漢

前調

丙午  
冬至

吳文英

添線繡牀人倦 翻香羅幙 煙斜五更 簫鼓貴人家門外

曉寒嘶馬 帽壓半簷朝雪鏡開千靨春霞小帘沽酒  
醉梅花夢到林逋山下

前調

春晴

周密

波影暖浮玉甃柳陰深鎖金鋪絳桃花褪燕調雛又是  
一番春暮 碧柱情深鳳怨雲屏夢淺鶯呼繡牕人倦  
冷熏爐簾影搖搖亭午

前調

酴醾閣

周密

花氣半侵雲閣柳陰近隔春城畫闌明月按瑤箏醉倚

欽定四庫全書

蘇東坡詩集卷二十一

滿身花影 翠格素虬晴雪錦籠紫鳳香雲東風吹玉  
滿閒庭二十四簾春靜

前調

擬花翁

周密

情縷紅絲冉冉啼花碧袖熒熒迷香雙蝶下庭心一桁  
惓惓簾影 北里紅紅短夢東風雁雁前塵稱銷不過  
牡丹情中半傷春酒病

前調

為趙元父賦雪梅圖

王沂孫

褪粉輕盈瓊靨護香重疊冰綃數枝誰帶玉痕描夜夜

東風不掃 溪上橫斜影淡夢中落莫魂消峭寒未肯  
放春嬌素被獨眠清曉

前調

張炎

花氣烘人尚暖珠光出海猶寒如今賀老見應難解道  
江南腸斷 漫擊銅壺浩歎空存錦瑟誰彈莊生蝴蝶  
夢春還簾外一聲鶯喚

前調

題墨水仙二首

張炎

縹緲波明洛浦依稀玉立相皋獨將蘭蕙入離騷不識

山中瑤草 月照英翹楚楚江空醉魄陶陶猶疑顏色  
尚清高一笑出門春老

前調

張炎

落落奇葩未吐離離瑤草偏幽蓬山元自不知秋却笑  
人間春瘦 瀟灑寒冰麈尾玲瓏潤玉搔頭半牕晴日  
水痕收不怕杜鵑啼後

前調

石孝友

脉脉無端心事厭厭不奈春醒越羅衫薄峭寒輕試問

幾番花信 萬點風頭柳絮數聲柳外啼鶯斜陽還傍  
小牕明門掩黃昏人靜

前調

張景臣

四壁空圍恨玉十香淺捻啼綃殷雲度雨井桐凋雁雁  
無書又到 別後釵分燕尾病餘鏡減鸞腰蠻江豆蔻  
影連梢不道參橫易曉

前調

曾揆

攔雨輕敲夜夜牆雲低度朝朝日長天氣已無聊何況



洞房人悄 睂共新荷不展心隨垂柳頻搖午眠彷彿  
見金翹驚覺數聲啼鳥

前調

何夢桂

猶記春風庭院柳陰深鎖簾帷東君去後雨絲絲空認  
紫騮嘶處 夢斷簫臺無據十年往事休追忽然拈起  
舊來書依舊長亭雙淚

前調

陳逢辰

楊柳雪融滯雨醺醺玉軟欺風飛英簌簌扣雕櫳殘蝶

歸來粉重 晷畫扇題塵掩繡花紗帶寒籠送春先自  
費啼紅更結疎雲秋夢

前調

延祥觀拒  
霜擬稼軒

陳逢辰

綠綺紫絲步障紅鸞彩鳳仙城誰將三十六陂春換得  
兩堤秋錦 眼纈醉迷朱碧筆花俊賞丹青斜陽展盡  
趙昌屏羞煞舞鸞妝鏡

前調

無名氏

記得洛陽話別十年社燕秋鴻今朝相遇暮雲東坐對

旗亭說夢 破帽手遮斜日練衣袖卷寒風蘆花江上  
兩山翁消得幾番相送

前調 燈花

宋媛 曹希蘊

零落不因春雨吹噓何假東風紗牕一點自然紅費盡  
工夫怎種 有豔難尋膩粉無香不惹遊蜂更闌人靜  
畫堂中相伴玉人春夢

前調

韓 玉

捍撥聲傳酒綠薔薇面襯宮黃嬌波斜入鬢雲長睂與

春山一樣 瀟灑不禁疎瘦低回猶似思量桃花梨葉  
晚陰涼說與三年夢想

前調

秋霖  
登高

段克己

人與寒林共瘦山和老眼俱青瑤然一葉不須驚葉本  
無心入聽 氣爽雲天改色潦收煙水無聲夕陽洲外  
片禽鳴涵泳一江秋影

前調

九江送  
劉牧之

白 璞

我自紉蘭為佩君方剖竹分符才情風調有誰如彷彿

三生小杜 置酒昔登峴首題詩今對匡廬青衫恨不  
到西湖共濕黃梅細雨

前調

蒲道源

堤柳風前影瘦池荷雨後香殘高秋物色已闌珊落日  
孤煙微暗 平野大家徐步此身贏得長閒路逢俗子  
笑相看道我為歡冷淡

前調

山亭  
留飲

劉因

看竹何須問主尋村遙認松蘿小車到處是行窩門外

雲山屬我 張叟臘醅藏久王家紅藥開多相留一醉  
意如何老子掀髯曰可

前調

劉詵

偏是一春憔悴被人閒賦陽臺扇遮微雨傍牆回花信  
餘寒柳外 繡果未成雙荔打鴉摘盡新梅暗沾蝴蝶  
却飛來睡起斜陽猶在

前調

王行

向暖漸生慵思尋春似減秋收酒懷詩興總懨懨只有

看山不厭薄晚正須憑檻新晴鎮日鉤簾幾多濃翠  
曉來添說與白雲休占

前調

劉基

紅葉無風自落黃花過雨猶香牀頭塵甕恥空觴添了  
愁城萬丈閱世身如萍梗懷人夢繞瀟湘應知此恨  
不尋常豈在睂間目上

前調 贈別

張大烈

柳折河橋贈別朝朝眼望飛鴻行雲流水各西東鏡欲

圓時如夢 孤影嬾烘紅日寒衾怯驟金風怎如梢嫗  
伴舟翁免得往來迎送

前調

秋興

程 靜

盡日荷鋤治圃有時捉杖尋泉山翁招我坐橋邊笑指  
菊花開徧 隔岸重重竹樹近溪點點潭煙灘頭流下  
小魚船轉過蘆花不見

前調

秋泛

吳 棫

極目煙波渺渺停舟新秣家家櫓聲咿軋戰風鴉寂寞



寒潮西下 呼我掃愁紅  
友看殘籬畔黃花人生適意  
不須他竹屋蓬牕聊且

前調

明媛  
端淑卿

簾外紛紛風絮金鉤雙控頻敲銀釭明滅麝煙消羅帳  
夢魂縹緲 梅竹一枝相寄長途驛使虛勞寂寥更漏  
夜迢迢輾轉不知天曉

前調

又一體

黃庭堅

斷送一生惟有破除萬事無過遠山橫黛蘸秋波不飲

傍人笑我 花病等閒瘦損春愁沒處遮攔杯行到手  
莫留殘不道月斜人散

前調

青梅枝  
上晚花

吳文英

枝裊一痕雪在葉藏幾豆春濃玉奴最晚嫁東風來結  
梨花幽夢 香力添熏羅被瘦肌猶怯冰綃綠陰青子  
老溪橋羞見東鄰嬌小


前調

又一體

程垓

牆外雨肥梅子堦前水繞荷花陰陰庭戶薰風滿冰紋

簞怯菱芽 春盡難憑燕語日長惟有蜂衙沉香火冷  
珠簾暮箇人在碧牕紗



御選歷代詩餘卷二十一